

之遺教，思先烈效忠黨國之精誠，則當繼續前人未竟之豐功，現值此將賊獨裁，共匪煽煽，黨國危機，間不容髮，尤吾人努力奮鬥之秋，以期掃除障礙完成革命，實現民治，永奠黨基，上慰總理及諸先烈在天之靈，庶不虛此念紀，斯則吾人所以自勉，并望國人一致奮起者也，特此宣言，國民革命軍空軍學校宣傳部。

楊先烈仙逸先生事畧

烈士諱仙逸，字學華，號鐵菴，廣東中山縣北臺鄉人也，少隨父經商太平洋夏威夷島，性剛愎，好任俠，喜運動，年十一聆中山先生在夏威夷利哩霞街劇場革命演說辭，心切慕之，喟然曰，祖國專制若此，大丈夫生不能改良國體，拯同胞于水火，何生為，其秉性熱誠，夙具救國思想，有如此者，久之遂投身同盟會籍，年十八，先後卒業于意賓蘭夷小學，夏威夷大學預科，時中山先生久駐夏威夷，與烈士常相往還，三民學說，益深腦際，辛亥革命雖未躬親其役，而精神貫注，潛力甚多，民國四年，項城稱帝，破壞共和，革命鉅子，相繼到夏籌餉，烈士為之盡力奔走，維持黨務，不遺餘力，自是黨人益倚重之，烈士俯仰時局，憤激國事，知非誓標武人，不足以救國，非得新戰術，不足以決勝，適聞開赴美，先入卡利科爾省哈厘大學，習機械專科，為涉獵械彈張本，甫畢業，復赴紐約入茄羅時航空專門學校，盡傳水陸飛機駕駛奧竅，成績最優，復領有萬國飛行會水陸飛行證，時值陸榮廷逆，盤踞粵省，假獨立名，玩弄民黨，烈士由是銳志返國，貫澈黨綱，密受孫總理旨，入漳助粵軍，羅致飛機師，組織飛機隊，深得粵軍總司令器量，是為烈士從事航空事業之權輿，時福建督軍李厚基，欲羅致烈士，密令馬尾船政局局長陳兆鏞，派員特聘為該局飛行主任，烈士婉辭却之，適船政局試製一機，乏人試驗，擬聘西人演奏，烈士以為有辱我國，得總理許可，為之試機，高不能過千尺，難就範，爰指示繩尺，教之改良，遂返，時烈士年二十有七，民國七年冬事也，八年六月復應總理命來滬助理黨務，兼辦飛機軍用諸品，將以驅除莫逆，恢復粵省自由，烈士竭力綢繆不少懈，九年粵軍返旆，魏邦平等於合廣東聯軍辦事處於海珠，烈士隻身抵澳門，密和聯絡，前購得機隻，以國際交涉故，滯于滬，罔能達，旋懸重價，設法得兩艘，時莫逆尚自隔觀音山，逡巡逾旬，苛索備至，不肯去，而聯軍魏主任，以全市精華，投鼠忌器，又不忍桑梓蹂躪，卒得烈士凌空振武樓頭，手擲三彈，奮博浪之一推，等將軍之三箭，而莫逆遂宵遁矣，

非然者，粵局又不知如何變化，鄉人老父，至今猶樂道弗衰，粵局既定，粵軍論功行賞，授以廣東飛機隊總指揮，烈士素淡利祿，自視所學，常覺慙然。又每以我國飛行人材缺乏，不足臂助為憾，毅然思再渡洋考察，期深造詣，尤以網羅英彥，造就殊才為己任，卒不就，潔身引退，功成不居，烈士有馬，九年國會集于廣州，總理以非常會議，復選任為大總統，遂勵行護法，籌謀北伐，烈士備位府中侍從官，益思乘時由洋考察，以竟前志，神備北伐於萬一，元首適以宣傳外埠華僑，擴張黨務相寄託，并首預辦軍用無線電機，新發明水機關槍諸利器等，爰過太平洋，順道省親，時烈士父客昆，母蕭太夫人，年已古稀，尚精神矍鑠，謂烈士曰，盡義務於國家，為國民天職，吾老矣，外受帝國主義之高壓，內顧宗邦軍閥之專橫，恨不能執干戈衛社稷，兒輩能馬革裹屍，即為克家首子，行矣，勿以我為念，毋沾沾效尋常定省虛文也，烈士謹受教，適遍遊美紐約之加咕打時昭實等州，觀墨西哥日本諸國，致察各種新式水陸飛機，苦心研究者逾年，並搜羅華僑之聰穎子弟，設法資助，使之學習航空，且期以高深程度，免蹈往者欲速諸弊，尤難能者，解囊自購飛機，供諸生練習，美例，貸飛機練習者，以時刻計，費不貲，其為人經濟如此，一時飛行後進，蔚然成材者，不下十餘人，今日粵省航空人才之盛，大抵烈士作育而來也，無何，政見紛呶，元首蒙塵，民黨生機，千鈞一髮，電至美，烈士為之廢寢餐者旬餘，自以為政察既終，人才輩出，正可及鋒而試，乃召集手造諸飛行家，預備水陸飛機多艘，返國圖恢復，至滬，總理以烈士為國為黨，始終弗渝如一日，由是相得益彰，每事恆參預機密，十一年冬，滇桂聯軍輸誠，元首返粵，重開帥府，乃命長航空局，助清餘孽，屢辭弗獲，始受命，受命之初，舊任飛機，焚燬殆盡，蕩然無存，探報江門得飛機一具，即烈士當日手炸觀音山之遺物，其時新機未至，青黃不接，而沈逆又叛於西北兩江，烈士全恃此重加整理之廢機，飛空助擊，卓然著肅清成績，說者謂微士之力不及此，西北甫平，東江又叛，烈士知非着手製造，源源出品，航空無發展希望，迺出其生平所學，手指口畫，躬擇匠人，不數月先後製成樂士文機三艘，為我國製造家開一新紀元，偉矣，會昔年駐美時定購軍用機八艘，陸續到粵，由是巋然一新，井然成隊，說者又謂微烈士之力不及此，仲尼氏所謂期月而已可也非歟，十二年夏，東征三月，惠城頑抗，帥座乃赫然斯怒，親視督師，手令烈士隨節，烈士夙受家庭馬革裹屍之訓，居恒以身許國之忠，劍及履及，慨然整隊出發，由省河而石龍，而蘇村，而博羅，節節進逼，敵人每聞軋軋之聲，

咸奔教，時適東江水漲，土泥濘著，過旬逾月，曾不稍假，指揮擲彈，夜以繼日，可謂勞矣，而烈士樂而忘疲，猶未已也，研究炸彈，躬自操作，九月二十日親赴梅湖參觀水雷製造，蓋從事于改良炸術也，不料天厄志士，驟然觸發，出師未捷，大樹遽零，與魚雷局謝局長，長洲要塞蘇司令，暨同事吳馬兩飛機師，同殉國難，嗚呼悲矣，噩耗遽聞，帥座震悼，泣數行下，旋下卹典，令曰：故航空局長楊仙逸，技術湛深，志行純潔，盡瘁國事，懋著勳勞，本大元帥正倚為干城腹心之寄，此次在白沙堆輪次，猝遭變故，死事甚慘，遽聞凶耗，震悼殊深，楊仙逸追贈陸軍中將，并着軍政部照陸軍中將陣亡例，從優議卹，以彰忠藎而慰烈魂，此令，令下，復發國帑三千元，派員為之設治喪辦事處，惟烈士遺骸，遍覓不獲，越二日味爽，突浮于博羅水機之旁，謂非烈士之靈，精誠不滅，曷克臻此，殮之日，德澤黨誼，感烈士之為國捐軀也，哭臨者以千計，更請命仿葬朱公執信例，建塚于東沙陸軍忠烈祠側，用留紀念，烈士感人之深，顧何如耶，初烈士之隨侍夏島也，夏政府組自治軍團，以烈士武勇善鎗法，選為團長，烈士亦藉以操練，鎗法益精，每彈必中鵠，得美政府一等射擊獎章，檄居，諸父昆季，多備汽車代步，每有損壞，工廠無法修理者，一經烈士指導，輒中肯，其技術之巧，若與生俱來也者，前飛行家多注意駕駛術，至機之構造每茫然，而烈士洞厥肯綮，故造詣較人獨邃，滿清末葉，鄉人初組紅十字會，烈士以童年被選為理財員，盡出所有墊支，不足，則又請命于慈母，他如閩里教育交通諸善舉，罔不意籌高堂捐助鉅萬，其造福桑梓類如此，粵軍之入粵也，民黨鉅子朱執信，在虎門遇難，殮具草草，假至大沙頭，黨人為之重備衣衾棺槨，時屍體已腐，人皆辟易，烈士獨躬親視殮，其情誼篤摯類如此，總烈士一生，律已以嚴，待人以寬，任事以誠，處友以信，而輕財仗義，屏絕權利，尤為不聞人言，嗟夫，千金之子，豈不垂堂，而烈士席履素豐，以黨國故，獨不暇煖，即此一端，已足多矣，歿後，其淑配程夫人度純，旋里撫孤，內而庭訓，外而黨務，靡不以繼志為念，其哲嗣添騫，年在垂髫，有乃父風，善人者昌，知烈士之必將有後也，前時革命諸同志，請求總理建立忠烈祠，以垂久遠，而程夫人尤以繼績先烈興學之素志，圖益桑梓為已任，諸同志亦深以為然，爭仿執信崇校例，創辦仙逸學校于中山縣石岐市，先由先烈尊人覺堂先生慨然認捐建校費二萬元，一時烈士舊雨，如孫哲生，胡漢民，譚祖述，古湘岸，吳鐵城，馬吉堂諸同志，均為之贊助，斯舉也，洵足慰烈士在天之靈歟，際茲先烈殉國紀念日，謹將先烈一生言行事蹟，

表而出之，至其技術之湛深，志行之純潔，則綸絳煌煌，無俟贅言矣，嗚呼三代下無完人，如君者其庶幾乎。

廣東各界航空紀念日大會

新製戰鬥機日間試航

空軍部製機廠出品名爲羊城五九號

空軍總部所屬飛機工廠，日前製出羊城號飛機八架，成績良好，與外國所購者大可媲美，空軍總司令張惠長，日前特撥巨款向外國購大帮飛機原料，以爲製機之用，昨據該廠消息，廠長梅龍安自奉令後，卽已飭令該廠工匠按上加工製造，現已製就戰鬥機一架，頃已出廠，並編爲羊城五九號機，日間當卽試航云。

空軍試航新購戰鬥機

空軍總司令張惠長，日前爲充厚討蔣空軍實力起見，特向外國購買最新式戰鬥機數架，經已運抵省垣，存貯于瘦狗嶺飛機場，以備戰時出發炸敵，畧情經誌報端，昨張總司令現以該項飛機理宜試驗，俾察其速率，及升降能否靈敏，特飭令部內外各飛行長官于昨廿七日晨六時至九時，駕機凌空試驗，各飛機長官奉令後，于昨晨在瘦狗嶺機場，分別駕機一一試驗，以致昨晨本市空際機聲軌軌，查該項新機，全油漆紅色，機上設前後座位各一，安置機槍兩挺，並能挾帶炸彈五百磅，對於升降飛行，敏捷異常云。

四全代表參觀空軍部

張總司令開會歡迎

十月二十八日四全大會各代表前往參觀空軍總司令部，飛機場，修機廠，航空學校，及廣九鐵路機車製造廠，各代表參加有一百七十餘人，由該招待處遊覽股李菁，司徒德等引導，九時在中山紀念堂集合，乘車出發，各代表首至空軍總司令部時，卽由張總司令惠長率領官佐迎接，卽在總司令部禮堂開會歡迎各代表，首由張總司令致歡迎詞，畧謂吾國人向不注重國防，一旦邊防有警，張皇失措，故每被外人欺負，今者日本強佔我東三省，亦因疏于國防，今後應該本若總理航空救國政策做去，以挽國運云云，說畢卽開茶會，款待各代表，復親導各代表參觀總司令部辦公室，飛機場，修機廠，並由張總司令親述各機件之運用，並傳令三飛機當場繞空試演，以娛代表，復後又領導各代表至航空學校參觀，該學校員教官列隊歡迎，遊覽畢，時已正午十二時。